



Projet promovût di 'La Vôs dai Furlans' e 'ARLeF'

Lu saveviso che...?

MAMAN

la VÔS dai FURLANS

CJALÏN INSIEMI



Horaci al è plen di rafredôr: al tache a starnudâ e a soflâsi il nâs cence polse... ma nol vûl propit sintî di cjoli la medisine!

Cjalìn insieme la pontade di Horaci "Ce raze di rafredôr!" su



Ai 2 di Fevrâr e je la Madone Cereole, une fieste religjose che e celebre lis zornadis che biel planc si slungjin e il svicinâsi de Vierte: di fat cheste zornade e cole juste dopo dai trê dîs clamâts "de mierle" che a son i plui frêts dal an. Cheste ricorence e je cognossude ancje cul non di "fieste des cjandelis", par vie che in cheste zornade ses puarte a benedî. La dì dopo al è Sant Blâs, protetôr dai mâi dal cuel. Par solit si use fâ benedî cheste part dal cuarp incrosant parsore lis cjandelis benedetis la dì prin. Fruts, voaltris vêso mai sintudis chestis dôs detulis leadis a chestis zornadis?



"A Madone Cereole tant soreli e tante neveole" e "A Sant Blâs il frêt al taie il nâs".

cumò fâs tu!

Cjale ben la imagjin e conte tropis cjandelis che tu viodis. Tropic sono piadis? Rivistu a cjatâ lis dôs cjandelis compagnis?



Piture il dissen



Ce si cjatie dentri di un nâs net? Un dêt sporc!

Ridi a plene panze!

Pagjine curade dal Sportel Regjonâl pe Lenghe Furlane de

ARLeF AGJENZIE REGIONÂL PE LENGHE FURLANE

Vuelistu tornâ a viodi lis pontadis di Maman? Cirilis su



Cjale lis gnovis pontadis su

telefriuli



Vinars aes 18.30, e in repliche domenie aes 7.00 e aes 13.00

STELIS E LUSIGNIS

Noa



Roc. Il cjâf al svole indaûr tal timp, tu ti impensis di personis che no tu viodis di un pieç: e je ore di clamâlis.



Gjambar. Tu stâs frontant cuistions une vore griviis in famee, no stâ a imponi masse il to volê.



Belance. Viôt di vè plui cure dal to cuarp. Tal lavôr clarissiti cui coleghis suntune cuistion che e je restade ingropade.



Bec di mont. Tu sês sflandorôs, plui tal lavôr che tal amôr, ma l'an che al ven dut al cambie.



Taur. Sta plui dongje a fradis e amis parcè che a podaressin dâti il consei just.



Leon. In amôr tu stâs une vore ben cun cui che tu âs dongje. Chest ti fâs vivi in ligrie.



Sgarpion. - La int par denant ti riduce e par daûr e fevele mâl di te, no stâ a cjàpâte e mostre di jessi plui fuart di ducj.



Agariûl. Lis stelis no ti judin e dentri di te ti fasin ingrumâ une vore di pinsîrs bruts.



Zimui. Tal lavôr tu ravis a meti in pratiche lis tôs cognossincis e i coleghis ti disingraciis.



Vergjine. No stâ a cirî lusignis e reste cui pîts par tiere, come che tu âs za fat timp indaûr.



Sagjitari. Tal lavôr tu stâs frontant cuistions imberdeadis, ma tal amôr e je dute une altre musiche.



Pes. Tu preferissis no fevelâ cun chei altris dai tiei problemis, no je la strade plui comude.